

**UITNODIGING OM KOMMENTAAR TE LEWER OP DIE VOORNEME VAN DIE MINISTER VAN DIE DEPARTEMENT VAN LANDBOU,
GRONDHERVORMING EN LANDELIKE ONTWIKKELING OM DIE OMSKRYWING VAN DIE REGSGBIED VAN DIE
REGISTRASIEKANTORE IN KING WILLIAM'S TOWN EN MTHATHA TE HERBELYN EN TE WYSIG**

Die publiek en alle belanghebbende partye word uitgenooi om kommentaar te lewer op die voorneme van die Minister van Landbou, Grondhervorming en Landelike Ontwikkeling om die regsgebied van die registrasiekantore in King William's Town en Mthatha te herbelyn en te wysig soos hieronder uiteengesit.

Ingevolge artikel 1 van die Registrasie van Aktes Wet, 1937 (Wet No. 47 van 1937), kan die Minister van Landbou, Grondhervorming en Landelike Ontwikkeling van tyd tot tyd, behoudens die wetsbepalings op die staatsdiens, by kennisgewing in die Staatskoerant—

- Registrasiekantore stig of afskaf;
- Subregistrasiekantore binne die gebied van registrasiekantore stig of afskaf; en
- Die name en ligging van sodanige kantore bepaal, die onderskeie gebiede daarvan omskryf, of so 'n bepaling of omskrywing wysig.

Die doel van die herbelyning van die regsgebied van die registrasiekantore in die Oos-Kaap-provinsie is om verbeterde toegang tot akteregistrasiedienste vir alle burgers van die provinsie te verseker. Die huidige diensleweringmodel is van só 'n aard dat kliënte lang afstande moet aflê om toegang tot akteregistrasiedienste te verky. Die herbelyning van die regsgebiede van die King William's Town- en Mthatha- registrasiekantore sal verseker dat die Departement van Landbou, Grondhervorming en Landelike Ontwikkeling grondwetlike hervormings in die huidige diensleweringmilieu implementeer.

Uitnodiging om skriftelike voorleggings/kommentaar:

Die publiek en alle belanghebbende partye word hiermee uitgenooi om skriftelike voorleggings te maak/kommentaar te lewer in verband met die beoogde wysiging aan die regsgebiede van die King William's Town- en Mthatha-registrasiekantore:

- Om die omskrywing van die regsgebied van die registrasiekantoor in King Williams' Town te wysig om Ezibeleni en Ilinge Townships van Queenstown in te sluit, vanaf 'n datum wat nog bepaal en in die Staatskoerant gepubliseer moet word;
- Om die omskrywing van die regsgebied van die registrasiekantoor in Mthatha te wysig om Lady Grey, Indwe, Barkley-Oos, Elliot, Rhodes, Ugie en Maclear in te sluit, vanaf 'n datum wat nog bepaal en in die Staatskoerant gepubliseer moet word; en
- Om die gebiede van Aliwal Noord, Dordrecht en Jamestown, wat slegs een (1) kilometer verskil tussen die twee registrasiekantore, te behou in die regsgebied van die King William's Town registrasiekantoor.

Vir aandag:

Die Hoofregistrator van Aktes
Departement van Landbou, Grondhervorming en Landelike Ontwikkeling
Private Sak X918
Pretoria 0001
E-pos aan: deeds.alignment@dalrrd.gov.za of kontak: Mnr Calvin Ranwedi Neluvhola (012 338 7124)

Skriftelike voorleggings/kommentaar moet die Hoofregistrator van Aktes binne 30 dae vanaf publikasie van hierdie kennisgewing bereik, en voorleggings/kommentaar wat na die sluitingsdatum ontvang word, kan geïgnoreer word.

Let ook asseblief op die volgende:

1. Verdere inligting aangaande die beoogde wysiging van die regsgebiede van die King William's Town- en Mthatha-registrasiekantore sal op Maandae, Dinsdae en Woensdae slegs tussen 10h00 en 13h00 beskikbaar wees, in gedrukte en elektroniese platforms, vanaf die datum van publikasie van hierdie Kennisgewing in die Staatskoerant, tot met die sluitingsdatum vir voorleggings/kommentaar, uitsluitend openbare vakansiedae, by die beamptes hieronder gelys:

King William's Town-registrasiekantoor:

Mnr Thabo Phali, Alexanderweg 113, King William's Town, Kantoorno.7, grond vloer, kantoortelefoonnommer: 043 642 2741 / selfoonnommer: 060 582 1973, Epos adres: Thabo.Phali@dalrrd.gov.za

Mthatha-registrasiekantoor:

Mnr Waterson Mketshane, hoek van Leeds- en Durhamstraat, Kantoorno. 13, Grondvloer, Botha Sigcawu-gebou, kantoortelefoonnommer: 047 5322 869 / selfoonnommer: 071 600 0892, Epos adres: Waterson.Mketshane@dalrrd.gov.za

2. Skriftelike voorleggings/kommentaar kan in enige amptelike Suid-Afrikaanse taal verwoord wees.
3. In gevalle waar voorleggings/kommentaar na die sluitingsdatum ontvang word, en afgekeur word op grond daarvan dat dit laat ontvang is, kan versoeke om kondonering van laataansoeke toegestaan word, welke versoeke om kondonering toegestaan kan word op grondige redes aangevoer deur die persoon wat die kommentaar ingedien het, met dien verstande dat sodanige kondonering nie aanleiding sal gee tot onnodige vertragings of andersins die publieke belang sal benadeel nie. Gronde vir kondonering moet skriftelik ingedien word nie later nie as vyf (5) werksdae na die sluitingsdatum vir voorleggings/kommentare.
4. Nadat alle voorleggings wat van belanghebbende en geaffekteerde partye ontvang is deur 'n Interne Hersienings Paneel oorweeg is, sal die Minister se besluit ten opsigte van die wysiging van die regsgebiede van die King William's Town- en Mthatha-registrasiekantore in dieselfde Staatskoerant gepubliseer word, sowel as in druk en elektroniese kommunikasie platforms.
5. Belanghebbende en geaffekteerde partye mag daarna teen die beslissing appelleer, en die appèlproses sal duidelik in die voorafgenoemde publikasies uiteengesit word.

Vir die gedetailleerde kennisgewing besoek: www.dalrrd.gov.za

MEV A. T. DIDIZA, MP (GETEKEN)

MINISTER VIR LANDBOU, GRONDHERVORMING EN LANDELIKE ONTWIKKELING



**agriculture, land reform
& rural development**

Department:
Agriculture, Land Reform and Rural Development
REPUBLIC OF SOUTH AFRICA

